

мертвых труп лежащих. И събра оставшая люди и повеле мертвых телеса л. 231 похороштити, и град делати, || и церкви ставити, и торги, и улицы.

Того же году великий князь Ягаило Олгердович Литовский ехал жениться в Югорскую землю к королю, и тамо женися и крестися в немецкую веру. Пришед оттоле из Югорские земли во свою вотчину, в Литовскую землю, и крести Литву в немецкую веру половину своего града Вильны. И два литвина у него были большие, а те крестися в крестьянскую веру. Он же замучи их.

В лето 6891 (1383). Посла князь великий Дмитрией Иванович в Орду л. 231 об. сына своего князя Василья во свое || место тягаться о' великом княжене с князем Михаилом Тверским.

О взятии Великаго Новаграда в лето 6894 (1386). Тое же зимы в Филипово говейно пред рождеством Христовым великий князь Дмитрией Иванович събра вои многи с всеми князи рускими и з братом своим с князем Володимером Андреевичем, а с ним было ратей: Коломенская, Звенигородцкая, Можайская, Волоцкая, Ржевская, Серпуховская, Боровская, Дмитровская, Переяславская, Володимирская, Юрьевская, Муромская, Мещерская, Стародубская, Суждальская, Городенская, Нижнего Новаграда, Костромская, Угличская, Ростовская, Ярославская, Можайская,<sup>1</sup> Галицкая, Бежичская, Белозерская, Вологодцкая, Устюжская, Новоторжская. И поиде ратью к Великому Новуграду, и волости Навгородские воюючи, дръжа гнев на Великий Новград, что взял разбоем град Кострому и Новград Нижний. Новгородци же и послаша послы своя против великого князя с челобитьем о миру. Великий же князь Дмитрией Иванович миру не дал, послы отпустил новгородские без миру. || Великий же князь Дмитрией Иванович не дошед Новаграда за 15 поприщ и ста на поле, бяше бо уже по Крещеньи. Новгородци же послаша к великому князю Дмитрию Ивановичу и с челобитьем владыку Алексея. Он же приеха к великому князю и рече: «Господине княже, яз тебе благословляю, а Великий Новград весь челом биеть, чтоб еси учинил мир, а кровопролития бы еси не учинил. А за винные люди тебе Новград кончат и челом биеть 8000 рублей». Великий же князь Дмитрией Иванович, велми дръжа нелюбие на Великий Новград,

л. 232 об. владыки не послуша и хоте ити || к Новуграду. Владыка же посла вперед себя в Новград весть и рече: «Великий князь миру не дал, а хочет итти к Новуграду. И вы дръжете опас». А тогда новгородцы поставиша острог. А князь Патрикей Нариманович да князь Роман Юрьевич и с копорскими князи бяше в городе. И приде весть новгородцем, что князь великий уже ближеть у Жилотуга. Новгородци же, слышавши се, начаша бояться велми и послаша на вести испытывати. Оне же ездивше и не обретоша рати нигде. И услышавше, что князь великий Дмитрией Иванович стоит || у города, и послаша к великому князю новгородци архимандрита два и с ними 7 попов да 5 человек житенских, с конца по человеку. А в то время новгородци около Великаго Новаграда ж пожгоша монастырей великих 24: на Перуне Юрьев монастырь, Рождественный, Пантелеев, Вскресенский, Благовещеньский, Оркаж, Духов, Борисохлебский, Богородицин, Николин, Лазарев, а на торговой стороне — Антошев, Богородицин, Иванов, на Волтове, на Ковалева, Рождественский, Кирилов, на Ситске, в Нередичях, на Сквородках, Шилов, а церквен

л. 233 об. 6 пожгли || деревяных. Тогда предреченные послове новгородския ехав на Понеделе и добили челом великому князю Дмитрию Ивановичу

<sup>1</sup> Далее в ркп. зачеркнуто землю.

<sup>2</sup> Далее в ркп. зачеркнуто сво.

<sup>3</sup> Испр., в ркп. Можаская.